



**Erasmi a Chokier Tractatus iurisdictionis ordinariae in
exemptos, illorumque exemptione ab ordinaria
iurisdictione**

in duos tomos distinct.

Quo Praeter Varias Ac pervtiles Additionibus praecipuis & in foro
potissimum occurentibus Tomi primi Quaestionibus annexas, etiam S.
Rotae Romanae Decisiones Novissimae De Eadem materia editae, &
singulari studio selectae continentur - Hac postrema editione
praecedentibus duobus Tomis primum additus

Chokier, Érasme de

Coloniae Agr., 1684

Decisio CXI. De iurisdictione Episcopi Regulares privativè quoad Abbatem,
vel Priorem.

[urn:nbn:de:hbz:466:1-61921](https://nbn-resolving.org/urn:nbn:de:hbz:466:1-61921)

DECISIO CXI.

De jurisdictione Episcopi in Regulares privativè quoad Abbatem, vel Priorem.

R. P. D. Orano.

Inter recent-
decis. 20. par. 1.

Cæsaraugustana exemptionis.

Luna 12. Februarii 1590.

SUMMARIUM.

- 1 Monachi Regulares juxta Regulam sancti Augustini non puniuntur in figura judicii, sed salutari tantum poenitentia.
- 2 Statutum non dicitur frustratorium, & superfluum, si ex eo declaratur id, quod de jure communi erat obsecurum.
- 3 Statutum ut non dicatur superfluum, & frustratorium, sufficit, ut aliquid operetur.
- 4 Beneficia Regularium sunt manualia, & de jure communi Regularium Prior privationis poenam imponit.

Post resolutiones factas agentes causam Prioris dubitare obtinuerunt, an ex statuto, vel consuetudine, major jurisdictione dicto Priori competeret, quàm de jure communi sibi sit concessa? Domini circumscripto capita consuetudinis, & præsupposita statuti existentia, de quo plurimum dubitabant, cum nec habeat subscriptionem Episcopi, neque sigillum, resolverunt negativè, nam in eo nihil habetur, ex quo possit colligi, majorem illi tributam jurisdictionem, quàm de jure communi sibi competeret, quantum enim ad delicta gravia, ut ex præmissis patet, cognitio illorum audientia Episcopi reservatur, & circa levia sola correctio ei conceditur, & quidem limitata secundum regulam sancti Augustini, & venerabilem ipsius domus consuetudinem sine figura judicii. C. *fin. de statu Monachorum.* ubi textus loquens

quens secundum regulam S. Benedicti, intelligitur de poenitentia salutari, sine figura
iudicii. *C. ad nostram in fin. & ibi gloss. de appell.*

Nec verba statuti sequentia (& secundum venerabilem domus consuetudinem) ampliant illius dispositionem, praeterquam cum nobis non constet, quae fuerit illa domus consuetudo, unde interpretari illa verba oportet, ut inferant ad regulam consuetudine receptam. Neque inde inferitur, quod statutum fuit superfluum, si nil amplius sit operaturum, quam jus commune declaraverat, quia primo superfluitas cessat, dum diffinit id, quod de jure communi erat obcurum, ut ex disputationibus in hac materia factis apparuit. *Abb. in C. solita, in gloss. tanquam in fin. de major. & obed. & in C. certificari, col. penult. de sepult. Gemin. in cap. si Papa de privul. in 6. & novum non est, quod idem bis repetatur ratione tollendae dubitationis. l. r. §. sed sciendum, vers. sergo puto. ff. de edil. edict.*

3. Secundo sufficit, si aliquid operetur, operatur autem dum concedit Priori jus privationis contra incorrigibiles. Minus ad versatur, quod per statutum Priori in visitatione concedatur facultas puniendi, quicquid reprehensibile inveniatur, & contra incorrigibiles, & his monitos procedendi ad punitionem. Quia non propterea sequitur, quod sibi sit judicialis cognitio permessa; facultas enim data Priori puniendi & corrigendi restringitur ad ea, quae concernunt delicta regularia, & levia, & cum gravium cognitio statuto expressae Episcopo sit reservata, & in visitatione judicialiter non procedatur, sed tantummodo per viam inquisitionis praeparatoriam ad mortuam correctionem, *C. i. §. sane de censib. lib. 6. c. placuit, 10. quast. 1. Specul. de inquis. §. 2. n. 6. & 9. Pau. in tract. de visit. par. 2. q. 7. n. 12.*

4. Neque contrarium resultat, quod privatio sit gravis poena, quae solet imponi gravibus delictis: quia si attendimus verba statuti, privationis poena non imponitur propter gravitatem delicti, sed propter incorrigibilitatem, quod quidem non est minus in regularibus, quorum beneficia sunt manualia. *Agid. decis. 203. & de jure communi Prior privat, & destituit Monachos, neque tamen de gravibus cognoscit, neque dum destituit, judicialiter procedit. C. qualiter, & quando, cl. 2. in fin. de usus. sat. & ita resolutum fuit.*

